

COMMUNICADO DI PRENSA

“Caribbean Accounting & Tax Consultants ta duna man na Fundacion Helping Hand”

ORANJESTAD – E aña'ki atrobe Caribbean Accounting & Tax Consultants (CATC), a dicidi di no keda for di duna man na Fundacion Helping Hand. CATC ta participa en colaboracion cu algun compania pa asina realisa un tremendo donacion di pakete di comestibles na e fundacion.

Representantenan di CATC, Sra. Sandy Odor y Roxanne van Dinter a entrega e 75 paketenan di comestibles pa representantenan di Fundacion Helping Hand, Sr. Rocco Tjon y Giancarlo Croes cu a keda contento di a ricibi e bunita donacion. Lamentablemente compara cu aña pasa, e fundacion a haya nan mes cu un aumento den casonan di muchanan di menos recurso. Pa e motibo ey CATC a haci tur su esfuerzo pa asina por a yega y hasta surpasa e meta.

Fundacion Helping Hand a wordo funda na mei 2013 cu e meta di yuda muchanan entre 9 y 12 aña di menos recurso pa desaroya nan mes y duna motivacion pa nan realisa nan soñonan. E fundacion ta prepara actividadnan pa e muchanan y ta duna sosten den forma di counseling of unda cu por. Tur esaki tabata danki na tres amigo cu a mira cu tabata tin basta mucha cu limitacion financiero den nos comunidad.

CATC mes tin un trayectoria largo di extende su mes na nos comunidad cu e meta di mehora e calidad di bida di nos sociedad. Pa e motibo aki nan ta comprende e importancia di duna un man na e causa aki.

CATC ta duna comerciante conseho como experto riba tereno di administracion, impuesto, payroll, situacionnan fiscal-huridico economico den tur ramo di trabou. E cliente ta central den tur locual CATC ta representa. E servicionan di CATC ta dirigi pa facilita e maneho di e situacion financiero di e compania y individual den nos comunidad. Cu e expertonan riba e tereno financiero bo por haya servicio unico y priva. Tin menos preocupacion riba asuntonan financiero, y pone atencion riba cosnan mas importante den bida. Asina nos ta tuma un stap di mehora e bienestar di nos comunidad.

CATC hunto cu su empleadonan ta contento di por ta parti di e iniciativa di Fundacion Helping Hand y ta gradici su empleadonan y e siguiente companianan donante di nan contribucion valioso: Aruba Wine & Dine, Metacorp, Garage Cordia y Caribbean Overseas Ltd.

-FIN-

Por tuma contacto cu:

Maggy Hazel
Marketing & Communications Coordinator

J.E. Irausquin Boulevard 20-A,
Oranjestad

Phone (+297) 527 5500  (+297) 527 5500
Fax (+297) 527 5555